



1905 թուի 1-ն Օգոստոսի Անուանական Բարձրագոյն Ուկազի հիման վրայ, Ներքին Գործոց Նախարարի եւ Երկրագործութեան ու հողաշինարարութեան գլխաւոր Կառավարչի հետ ունեցած համաձայնութեամբ

« ՀԱՍՏԱՏՈՒՄ ԵՄ »

Թիֆլիս, 4 Նոյեմբերի 1905 թ. ՆՈՐԻՆ
ԿԱՅՍԵՐԱԿԱՆ ՄԵԾՈՒԹԵԱՆ Փոխարքայ
Կովկասում Դեմքերայ—աղիւսանց (ստո-
րագրելէ) կամս Վ. օրոցցով—Դաւիթով:

Կ Ա Ն Ո Ն Ն Ե Ր

Թէ ինչ կարգով 1903 թուի Յունիսի 12-ի օրէնքով յարձուցիս գրաւուած հայ-լուսաւորչական եկեղեցուն պահպանող կալուածներն ու դրամագլուխները պէտք է վերադարձնել սոյդ եկեղեցու պահօտաւոր հաստատութիւնների տեսչութեան համաձայն 1905 թուի Օգոստոսի 1-ի Բարձրագոյն Ուկազի:

1) Կովկասի փոխարքայութեան նահանգներում, երկրներում (область) և առանձին շրջաններում (округъ) յարըունիս գրաւած հայ լուսաւորչական եկեղեցու կալուածների և դրամագլուխների՝ հայ լուսաւորչական հոգեւոր հաստատութիւնների տեսչութեան վերադարձնելու մօտաւոր կարգադրութիւնը, նոյնպէս և այդ յանձման մօտաւոր վերահսկողութիւնը՝ տրւում են նահանգապետներին, զինուորական նահանգապետներին, երկիրներու ու

առանձին շրջանների պետերին, նրանց տեսչութեանն են յանձնում. Ա) ներքին գործերի նախարարութիւնից բոլոր այն գումարները, որոնք պատկանում են հայ լուսաւորչական եկեղեցուն և գտնւում են այդ նախարարութեան կարգադրութեան ներքոյ, որպիսիք են՝ ընդունած գրամագլուխներն իրանց բարդուած տոկոսներով, նախկին երկրագործական և պետական գոյքերի նախարարութեան կողմից ներքին գործերի նախարարութեանը յանձնած եկեղեցական, վանքապատկան անշարժ կալուածների արդիւնքները, այս արդիւնքներից՝ կալուածները կառավարելու և պահեստի դրամագլուխ կազմելու համար 10 տոկոս վերցրած գումարի մնացորդները, օժանդակ դրամագլուխ կազմելու համար 5 տոկոս ետ պահածներն և այլն. նոյնպէս և՛ դրամագլուխների հետ ընդունած դրամային և ուրիշ՝ այդ դրամներին վերաբերեալ վաւերագրերը. Բ) նորին Կայսերական Մեծութեան Կովկասի Փոխարքայի վարչութիւնից հանել—բոլոր արձանագրութիւնները, ցուցակները (опишь), որոնք կազմուած են 1903 թուին, երբ եկեղեցական կալուածներն յարքունիս էին ընդունւում:

Մանօթութիւն. Գումարները, վաւերագրերը, արձանագրութիւնները, ցուցակները և այլն. ուղղւում են այն նահանգապետներին, երկիրների ու առանձին շրջանների պետերին, որոնց կողմից են այդ բոլորը յանձնուել նախարարութեան և Փոխարքայի վարչութեան:

2) Այդ կալուածների ու դրամագլուխների վերադարձնելն արագացնելու և այդ գործի վերաբերեալ ծախքերը կրճատելու համար, դրամական գումարները, դրամային և այլ սրանց վերաբերեալ վաւերագրերն ու դրքերը նահանգապետների, երկիրների ու առանձին շրջանների գլխաւորների կողմից ուղարկւում են հայ եկեղեցու այն հաստատութիւններին, որոնցից ընդունուել են այդ կալուածները. դրանց էլ կցւում են—այն դէպքում, երբ վերադարձնւում են 1903 թուին պետական վարչութեան կողմից ընդունած գումարներից աւելի կամ պակաս գումարներ—այդ տարբերութիւնը բացատրող հաշիւները:

Այդ հաստատութիւնները՝ դրամ և դրամական վաւերագրեր ստանալու համար, պարտաւոր են տեղեկացնել նահանգապետներին, երկիրների ու առանձին շրջանների գլխաւորներին 7 օրուայ ընթացքում, ըստ որում, որեւէ թիւրիմացութեան դէպքում, իրանց տեղեկագրերի հետ պիտի ներկայացնեն իրանց անբաւականութիւնը բացատրող յայտագիր:

3) Հայ լուսաւորչական եկեղեցու անշարժ կալուածների և դրամագլուխների անմիջական վերադարձնումը թողնում է հէնց այդ գործի համար առանձնապէս նշանակուած յանձնող մասնաժողովներին, որոնք նշանակւում են ներքին գործերի նախարարութեան և երկրագործական ու հողաշին. գլխաւոր կառավարութեան տեղական վարչութեան հայեցողութեամբ: Այդ երկու մարմինների կողմից նշանակուած ներկայացուցիչներն իրանց վարչութիւններից ստանում են համապատասխան ցուցմունքներ, վաւերագրեր, նոյնպէս և ձեական առաջարկներ:

Ծանօթութիւն. Երևանի նահանգապետը լիազօրութիւն է տալիս տեղական փոխ-նահանգապետին՝ ղեկավարելու՝ էջմիածնի վանքի կալուածները վերադարձնելու համար նշանակուած մասնաժողովի գործողութիւնները: Թիֆլիզում յանձնող մասնաժողովի գործողութիւնների ղեկավարութիւնը յանձնւում է Կովկասի գլխաւոր վարչութեան հայեցողութեամբ նշանակուած անձի:

4) Յանձնող մասնաժողովների գործողութիւնների ծրագիրն որոշւում է նահանգապետների, երկիրների ու առանձին շրջանների պետերի, երկրագործական և պետական գոյքերի կառավարութեան տեղական վարչութիւնների հետ կայացրած համաձայնութեամբ:

5) Հայ-լուսաւորչական եկեղեցական վարչութեան կողմից՝ անշարժ կալուածներն ընդունելու համար լիազօր կարող են լինել եկեղեցիների կալուածները ընդունելու համար՝ թեմի թեմական առաջնորդի հայեցողութեամբ նշանակուած անձինք, եկեղեցու աւագ քահանայի և երես-

փոխի մասնակցութեամբ: Հոգևոր դպրանոցների (սեմինարիաների) կալուածներն ընդունելու համար—հոգաբարձական խորհրդի անդամները, վերջինների ընտրութեամբ և թուով էլ 3—4, թեմական դպրոցի տեսչի (ректора) մասնակցութեամբ: Իսկ վանքապատկան կալուածների համար՝ վանահայրը և հոգևոր վարչութեան կողմից նշանակուած, վանքի միաբաններից 2—3-ը, եթէ կան, իսկ եթէ չկան, այլ՝ հոգևոր կամ աշխարհական անձնաւորութիւնների մասնակցութեամբ:

Ծանօթութիւն. Էջմիածնապատկան կալուածների ընդունելը ղեկավարելու համար Սրբազնագոյն Պատրիարք-Կաթողիկոսի կողմից լիազօրութիւն է ստանում՝ առանձին անձն:

6) Գոյքերը յանձնելու ժամանակ յանձնող մասնաժողովներն իրանց ստանձնած գործին աջակցութիւն ցոյց տալու համար հրաւիրում են քաղաքներում—քաղաքային վարչութեանց ներկայացուցչին, իսկ շինական վայրերում—գիւղապետին (старшина) և տեղական բնակիչներից երկու քարեխիղճ անձնաւորութիւն:

7) Անշարժ գոյքերի յանձնման գործը գիւրացներու համար դիմում է 1903 թուի գրաւման ժամանակ կազմած արձանագրութիւններին և ցուցակներին, որտեղ ստորագրում են մի կողմից յանձնող մասնաժողովի անդամները՝ թէ սոյն արձանագրութիւնների և ցուցակների մէջ ցոյց տուած գոյքերը յանձնում են եկեղեցական վարչութիւններին, միւս կողմից ստորագրում են հոգևորականութեան ներկայացուցիչները նրանց ստացման համար և մնացեալ ներկայ եզող պաշտօնական մարդիկ ստորագրում են թէ՛ ներկայ էին գոյքերի յանձնելու ժամանակ: Եւ այստեղ ինկատի են առնում և արձանագրութեան կցւում այն էական փոփոխութիւնները, որոնք տեղի են ունեցել այդ կալուածների՝ պետութեան կողմից կառավարելու ժամանակամիջոցում:

8) Եթէ յանձնողը կալուածքը, կամ նրա մի մասը տրուած է կապալով ըստ պայմանագրի կամ ըստ տեղա-

կան սովորութեան, այն ժամանակ կապալառուները կամ օգտուողները ստանում են տեղեկութիւններ յանձնող մասնաժողովից, թէ այդ կալուածքները պետական վարչութիւնից անցնում են հայ լուսաւորչական եկեղեցուն եւ թաղայ հաստատութիւնների վարչութիւններին:

9) Կովկասի անշարժ գոյքերը հայ-լուսաւորչական եկեղեցու պատշաճաւոր վարչութիւններին յանձնելիս, երկրագործական և հողաշինար. գլխաւոր վարչութիւնն ուղարկում է Նորին Կայս. Մեծութեան Կովկասի փոխարքային այդ կալուածների՝ պետութեան կողմից կառավարելու ժամանակաշրջանում եղած ել և մտից մանրամասն հաշիւը:

Իր կողմից ներքին գործերի նախարարութիւնն այդ կալուածներից ստացած եկամուտների չծախսուած մասը յանձնում է Փոխարքայի տեսչութեանը: Այս եկամուտներն անշարժ գոյքերի սեփականատէրերի մէջ բաժանելու համար Կովկասի Փոխարքան հիմնում է առանձին խորհուրդ՝ ամենայն Հայոց Ծայրագոյն Պատրիարք-Կաթողիկոսի ներկայացուցչի մասնակցութեամբ:

10) Եթէ յանձնուող անշարժ կալուածքում կան արգիւնաբերութեան գործիքներ կամ այլ շարժական գոյք (անասուն, հաց, և այլն), որոնք ձեռք են բերուած նոյն կալուածքից ստացուած եկամուտների հաշուին, և եթէ կան կալուածքից ստացուած բնական բերքեր, այն ժամանակ եղածը յանձնում է հոգեւոր տեսչութեան ներկայացուցիչներին՝ ըստ ցուցակի, որի մի օրինակը կցւում է արձանագրութեանը, իսկ միւսը տրւում՝ հոգեւոր տեսչութեան ներկայացուցիչներին:

11) Եթէ կալուածները յանձնելու ժամանակ հոգեւոր վարչութեան կողմից որ և է գժգոհութիւն է արտայայտւում և յանձնող մասնաժողովի և հոգեւոր տեսչութեան ներկայացուցիչների մէջ համաձայնութիւն չի կայանում, այն ժամանակ այս առթիւ կադմւում է միւսնոյն արձանագրութիւնից 2 օրինակ՝ յանձնելու գործին բոլոր մասնակցողների ստորագրութեամբ, այդ օրինակներից մէկը

յանձնող մասնաժողովը ներկայացնում է նահանգապետին, իսկ միւս օրինակը՝ հոգեւոր վարչութեան ներկայացուցիչը ներկայացնում է թեմական առաջնորդին: Եթէ այնուհետեւ գործը լուծում չստանայ՝ նահանգապետի և թեմական առաջնորդի մէջ եղած յարաբերութեամբ, այն ժամանակ՝ թեմական առաջնորդը, 1905 թուի օգոստոսի 1-ի Բարձրագոյն Ուկազի II բաժնի համաձայն, դիմում է առանձին գրութեամբ Փոխարքային տալ վերջնական վճիռ այդ գործին:

Թեմական առաջնորդը միաժամանակ նահանգապետին, երկրի կամ առանձին շրջանի պետին հաղորդում է իր գրութեան պատճէնը:

12) Կալուածները հետզհետէ յանձնելու հետ, աստիճանական կարգով, նահանգապետներին, երկիրների կամ առանձին շրջանների պետներին ներկայացնում են արձանագրութիւնները, ցուցակները, նոյնպէս և հոգեւոր տեսչութեան դժգոհութեան առթիւ կազմած արձանագրութիւնները: Նահանգապետը, երկրի կամ շրջանի պետերը ներկայացնում են տեղեկագիր ի գիտութիւն Փոխարքայի յանձնելու ընթացքի մասին և որա հետ մէկտեղ, ներկայացնում են դժգոհութեան մասին կազմած արձանագրութիւնները, իսկ յանձնելու արձանագրութիւնները, ցուցակները և սրանց կից էլ՝ II կէտի կանոնների հիման վրայ՝ հայ-լուսաւորչական եկեղեցու հիմնարկութիւնների՝ դրամագլուխների և այլ վաւերացրած ստանալու տեղեկագրերը պահում են իրանց վարչութեան մէջ:

13) Թեմական առաջնորդները՝ եթէ այս կանոնները ստանալուց յետոյ երկու ամսուայ ընթացքում հայ-լուսաւորչական եկ. տեսչութեան չյանձնուին նոյն եկեղեցուն պատկանած որ և է գոյք կամ դրամական գումար, համապատասխան յայտագրով դիմում են տեղական նահանգապետին, երկրի կամ առանձին շրջանի պետին, իսկ եթէ եւ այնուհետեւ մի ամսուայ ընթացքում չի կատարուել յանձնելը, այն ժամանակ՝ այդ մասին դիմում են Փոխարքային համապատասխան յայտագրով: Իսկ եթէ յի-

չեալ ժամանակամիջոցի ընթացքում (2 ամիս) հոգեւոր իշխանութեան ներկայացուցիչները մերժում են ստանալ գոյքերը, այն ժամանակ նահանգապետը, երկրի կամ առանձին շրջանի պետը այդ առթիւ դիմում են թեմական առաջնորդին, իսկ դրանից յետոյ էլ մի ամսուայ ընթացքում եթէ չվերջացաւ յանձնելու գործը, այն ժամանակ այդ մասին դիմում են Փոխարքային:

14) Դրամական գումարների և վաւերագրերի՝ ներքին գործերի նախարարութիւնից նահանգապետներին, երկրի կամ առանձին շրջանի գլխավորներին ուղարկելու կամ նրանց անուան փոխադրելու և վերջիններիցս հայ եկեղեցու պատշաճաւոր հաստատութիւններին ուղարկելու ծախսերը լինելու են հայ-լուսաւորչական եկեղեցու տեսչութեան հաշուին: Գոյքերը յանձնելու ժամանակ եղած՝ աստիճանաւորների գնալ գալու ծախքերը լինելու են նոյն եկեղեցու կալուածների ընդհանուր եկամուտների հաշուից:

Նորին Կայսերական Մեծաթեան Կովկասի Փոխարքայի Դիւանապետ Ն. ՊԵՏԵՐՍՈՆ:

Ուղիղ է՝ քաղման Սիմօղի Ռ. Մադաթեան

